



**LAPORAN LIPUTAN MEDIA HARIAN
SELASA 18 NOVEMBER 2025**

BIL.	TAJUK KERATAN AKHBAR	KEMENTERIAN / JABATAN / AGENSI
1.	PULAU PINANG ATASI MASALAH KELADI AGAS TINGKAT HASIL PADI, NASIONAL, BERITA HARIAN, M/S – 17	JABATAN PERTANIAN MALAYSIA (DOA)
2.	TARIK BOT KE DARAT PETANDA TENGGUJUH, NEGARA, KOSMO, M/S – 12	LAIN – LAIN
3.	PENDUDUK PINGGIR SG. PAHANG BERWASPADA, DALAM NEGERI, UTUSAN MALAYSIA, M/S – 28	

UKK KPKM

UNIT KOMUNIKASI KORPORAT
KEMENTERIAN PERTANIAN DAN KETERJAMINAN MAKANAN
(UNTUK EDARAN DALAMAN KPKM, JABATAN DAN AGENSI SAHAJA)

Pulau Pinang atasi masalah keladi agas tingkat hasil padi

Jabatan pertanian negeri laksana petak demonstrasi perkukuh amalan agronomi tepat

rasi negeri, Fahmi Zainol, berkata petak demonstrasi penanaman itu seluas empat hektar bagi memperkukuh amalan agronomi yang tepat dan berkesan dalam menguruskan serangan rumpai.

Beliau berkata, 12 siri kempen dan taklimat kawalan rumpai, perosak dan penyakit dijalankan sepanjang tahun ini bagi meningkatkan kesedaran pesawah mengenai kepentingan kawalan awal daripada peringkat penyebaran tanah.

"Kerajaan negeri sentiasa cakna mengenai isu penurunan hasil padi serta kerugian dialami pesawah, termasuk sebahagian

yang tidak memperoleh hasil langsung akibat serangan rumpai keladi agas.

"Buat masa ini, kerajaan negeri memberi keutamaan kepada usaha pemuliharaan kawasan sawah dan peningkatan hasil melalui pendekatan kawalan bersepadu, bantuan teknikal serta pemantauan lesaman pertanian lestari pada peringkat pesawah," katanya pada persidangan Dewan Undangan Negeri (DUN) Pulau Pinang di sini, semalam.

Beliau berkata demikian bagi menjawab soalan Amir Hamzah Abdul Hashim (PN-Permatang Pasir) sama ada kerajaan negeri bercadang memberi bantuan se-

kali bayar kepada semua pesawah di Pulau Pinang yang mengalami kerugian.

Fahmi berkata, rumpai keladi agas tergolong dalam kumpulan rumpai daun lebar akuatik yang sering dijumpai di kawasan sawah padi dan menjadi antara punca utama penurunan hasil tanaman.

Teliti beri bantuan khas

Beliau berkata, ia membiak dengan cepat melalui biji benih dan rizom serta bersaing dengan tanaman padi untuk mendapatkan nutrien, cahaya matahari dan air sekali gus menyebabkan pertumbuhan pokok padi terbantut, hasil tuai berkurang dan mutu beras menurun.

Selain serangan rumpai keladi agas, beliau berkata, faktor lain



Rumpai keladi agas antara punca utama penurunan hasil padi.

adalah kualiti air pengairan yang terjejas, penggunaan benih tidak sah, amalan agronomi tidak mengikut piawaian serta kekurangan tenaga kerja di lapangan.

Fahmi berkata, kerajaan negeri akan meneliti keperluan pemberian bantuan khas sekali bayar kepada pesawah terjejas dengan mengambil kira tahap kerosakan, kesan terhadap pendapatan pesawah serta kemampuan kewangan semasa kerajaan negeri.

"Kerajaan negeri akan turut bekerjasama dengan Kawasan Pembangunan Pertanian Bersepadu, Lembaga Pertubuhan Peladang dan Jabatan Pertanian dalam menyalurkan bantuan teknikal dan sokongan sewajarnya kepada pesawah terjejas," katanya.

BERNAMA

TARIKH

18/11/2025

MEDIA

BERITA
HARIAN

RUANGAN

NASIONAL

MUKA
SURAT

17

Tarik bot ke darat petanda tengkujuh

KOTA BHARU – Kedatangan Monsun Timur Laut (MTL) memaksa sekumpulan 30 nelayan Kampung Pulau Gajah di sini mula menarik perahu kolek untuk disimpan di kawasan lapang bagi mengelakannya rosak atau hanyut semasa musim tengkujuh.

Nelayan, Ismail Daud, 59, berkata, MTL biasanya akan membentuk ombak besar setinggi tiga meter di kawasan pantai.

"Nelayan tidak dapat turun ke laut sepanjang musim tengkujuh dan kami biasanya akan menyimpan bot. Hari ini (kelmarin) kami menyimpan 22 bot yang ditarik seramai 30 nelayan.

"Sepanjang tidak turun ke laut, nelayan akan membaiki dan mengecat perahu kolek sebagai persiapan untuk kembali menangkap ikan pada Mac tahun depan," katanya.

Menurut Ismail, sebuah

perahu kolek ditarik menggunakan tali beralaskan batang pokok ru yang dipotong pendek bagi membolehkan ia bergerak.

Bagaimanapun tambahnya, sebahagian nelayan akan keluar juga menangkap ikan dengan menggunakan bot fiber ketika musim tengkujuh.

Sementara itu, Ketua Jaringan Perikanan Pulau Gajah, Nik Ruzullaili Nik Yusof, 45, berkata, semua nelayan akan berkumpul menarik perahu kolek ke darat pada setiap bulan November.

Katanya, rata-rata nelayan di sini tidak keluar ke laut sejak tiga minggu lalu kerana faktor cuaca yang tidak menentu.

"Memang pendapatan terjejas. Mujur kami menerima Elaun Sara Hidup Nelayan sebanyak RM300 sebulan yang membantu sepanjang tempoh tidak dapat turun ke laut," katanya.



SEBAHAGIAN nelayan menarik sebuah perahu kolek untuk dibawa ke darat di Kampung Pulau Gajah, Kota Bharu semalam.

TARIKH	MEDIA	RUANGAN	MUKA SURAT
18/11/2025	UTUSAN MALAYSIA	DALAM NEGERI	28

Penduduk pinggir Sg. Pahang berwaspada

BERA: Monsun Timur Laut (MTL) yang mula melanda negara mendorong penduduk di sepanjang Sungai Pahang melakukan persiapan awal bagi memastikan keselamatan nyawa, harta benda dan perusahaan ternakan ikan patin yang dijangka terjejas sehingga Mac tahun depan.

Dari Kampung Ulu Tembeling menghilir Sungai Pahang sehingga Kuala Tahan, Jerantut, terus ke Temerloh, Bera dan akhirnya Pekan, penduduk giat mengambil langkah berjaga-jaga menghadapi kemungkinan banjir.

Ketua Kampung Bantal, Ulu Tembeling, Hamdan Ali, 58, berkata, penduduk melakukan persiapan awal bagi menghadapi kemungkinan banjir seperti memindahkan barangan berharga ke lokasi lebih selamat bagi mengelakkan kerugian sekiranya berlaku limpahan air.

Katanya, ada penduduk yang membina komponen tambahan pada rumah dan kedai makan



KERAJAAN Negeri Pahang melalui Jabatan Kebajikan Masyarakat (JKM) menghantar bekalan keperluan bencana ke pangkalan hadapan di Kampung Bantal Ulu Tembeling di Jerantut, Pahang.

menggunakan tong dram sebagai pelampung.

“Usaha ini dilakukan bagi menambah ketahanan struktur bangunan serta memastikan keselamatan keluarga dan harta benda lebih terjamin,” katanya.

Pengusaha ternakan ikan pa-

tin sangkar dari Kampung Menenang, Maran, Mat Piah Jusoh, 67, berkata, arus deras Sungai Pahang sering menjadi cabaran utama dalam usaha menjaga kelangsungan ternakan.

Menurutnya, keadaan sungai yang berubah-ubah, terutama

ketika musim hujan boleh menjejaskan struktur sangkar serta menimbulkan risiko kepada keselamatan ikan yang ditenak.

“Penjagaan rapi dan pemantauan berterusan diperlukan bagi memastikan sangkar tidak rosak atau hanyut dibawa arus. Selain itu, pengusaha perlu melabur dalam sistem sangkar yang lebih kukuh serta mengatur strategi pengurusan ternakan agar hasil dapat dikekalkan walaupun berdepan cabaran alam sekitar,” katanya.

Sementara itu, kerajaan negeri menghantar bekalan keperluan bencana ke 167 pangkalan hadapan di 11 daerah secara berperingkat sebagai persediaan menghadapi banjir ekoran MTL.

Pengerusi Jawatankuasa Kebajikan Masyarakat, Pembangunan Wanita dan Keluarga negeri, Datuk Sabariah Saidan berkata, setiap pangkalan hadapan dilengkapi barangan keperluan asas seperti beras, gula, garam, sardin dan biskut.